

Intervista in Balagna

PRUFISSORI

. Scopi comunicativi :

- Parlà di i so attività prufessiunali
- Parlà di l'attività agriculi
- Pruona prughjetti

.U filmettu: 3' 47''

1. Prisintazioni : 00' 46''
2. L'attività in paesi : 1' 22''
3. Pruposti pà u turisimu : 00' 57''
4. I parsoni si licenziaghjani : 00' 41''

.Capiscitura:

U prufessori si pudarà ghjuvà da l'esercizii interattivi.

1. Glubali :

. À i sculari li si dumanda di di tuttu ciò ch'eddi poni nantu à u filmettu. À pocu à pocu si ghjugni à una discrizzioni fundia di u cuntestu è di i situazioni.

2. À pezzi :

. Pà ogni parti si pò dumandà à i sculari di truvà un titulu. I sculari ricacciani l'elementi impurtanti o l'argumenti spostati in u discorsu. Si faci casu à discriva ancu i gesti, i sprissioni di a faccia...

.Sprissioni idiumatichi :

- da un capu d'annu à l'altru

.Studiu di a lingua :

. Esercizii interattivi di Studi@lingua.

. L'adopru di paroddi o di strutturi francesi in u discorsu in corsu : malorosamente, enfin...

. A diglussia, u bislinguisimu : *Per l'andati di a nostra lingua* (M. Acquaviva, S. Massiani, P. Ottavi), CRDP di Corsica

. U lessicu di a viticultura : u vignetu, l'uva (nera, bianca), a caspa, u vignaghjolu, a vindemia, l'uvazimi...

. U lessicu di l'agricultura : l'urtaglia, u fruttetu, a punera (i pustimi), a cugliera, a lenza, lavurà, annacquà, putà, raccogliu, cogliu, ...

. I misteri : agriculatori, pastori, apicultori, purcaghju, vignaghjolu ; imprisariu, cummircianti, impiigatu ; ustariaghju, guida ; insignante.....

*a stampiglia = u labellu (AOC- AOP)

. Parlà di un prughjettu : vurriu..., mi piaciaria à ..., contu di..., a brama, a vulintà, u scopu, metta in baddu

-A suffissera : i suffissi *ata* (durata), *era* (azzioni)

-L'obblicu : ci vole (= mi tocca à)

-U cundizionali : adopru cù u sughjuntivu passatu o micca (vurria ch'e tù vinissi ; vurria un ghjacciu) ; varianti (cantaria/canterebbe...)

-U passatu cumpostu : i verbi di tippu « cantà », « vulè » ; u verbu essa è u verbu stà (statu)

-U participiu passatu : valori verbali cù u participiu assulutu : finitu quessu... ; toccu a notti ; ghjunta l'ora. Si pò circà à fà rimarcà da i sculari chì in l'intervista ùn si senti l'accordu : « finitu a vindemia, finitu i vini », ciò chì tandu pudaria corrisponda à a struttura « avendu finitu ».

-U presentu

-L'infinitivu

-gl [ʎ] o l [l]

-/v/ o /b/

-A svariatazza : ghjottu = viotu, sò = ciò, [s] [j] (mistieru, astru, frustà...)

.Pruduzioni à bocca (discorsu cuntinuvu) :

U sughjettu pò ghjuvà da pruduzioni scritta.

Prisintà una attività spiichendu ni a rializzazioni, i custretti è u piacè.

.Pruduzioni à bocca (discursata) :

U sughjettu pò ghjuvà da pruduzioni scritta.

Fà una contrastata nantu à a prisintazioni di un prughjettu : unu parla di una brama, una pruposta (« vurriu fà.... »), l'altu (o l'altri) li facini i dumandi (« comu fariati ? » ...).

.Cultura :

.Esercizii interattivi di Studi@lingua.

.A viticultura in Corsica : lochi di pruduzioni, razzi di uva

Gusti di Corsica (p.23), CRDP di Corsica ; *50 documenti pà una giugraffia di a Corsica* (duc. 29), CRDP di Corsica ; www.educorsica.fr

.L'attività in Corsica sicondu i staghjoni

.L'attività ecunomichi in Corsica

50 documenti pà una giugraffia di a Corsica , CRDP di Corsica ; www.educorsica.fr

. A vita ecunomica di a Balagna

.Valutazioni (fiscia scularu)

